




Te Kura Kaupapa Māori o
NGĀ MOKOPUNA

Matapono o Te Wiki: TE AO (4.4)

Kia whai koha ngā tamariki ki a Papatuanuku raua ko Ranginui me a raua tamariki e tiaki nei i te ha o ngā moana, o te whenua, o te rangi me o ratau ahuatanga katoa.

Pānui:


1. KUTU – Kia ora e te whānau, kia mōhio mai kua haramai ētahi tamariki ki te kura me ngā kutu, nā reira tēna koa tiro tiro ki te makawe o tō tamaiti, kia haumaruru ai te noho.
2. LOST PROPERTY – Kia mōhio mai, mehemea kua ngaro tō wati (watch) kei te tari o te kura e noho ana.



Maramataka

Te Rā:	Te Wā:	Kaupapa:	He Whakamaumahara
Rāpare 12.11.2020	Hei te ata	Kauhoe	Ki Kilbirnie Aquatic Centre
Rāmere 13.11.2020	1.45pm	Kapa Haka	Ki te hōro
Rāhoroi 14.11.2020	9am-4.30pm	Te Matoe o te Reo	Tūtaki i a Matua Te Hauora i mua i te 9am ki Wharewaka ki Pōneke

He kōrero mō te hopuni:



Te Hōpuni ki El Rancho

02-04 o Whiringa ā-Rangi 2020

I te Rāhina, te tuarima o Whiringa ā-Rangi, i haere atu mātou ngā akomanga taiohi (tau 5-8) ki te hōpuni o El Rancho, ki roto i te rohe o Ngāti Raukawa ki te Tonga, o Āti Awa ki Whakarongotai, o Ngāti Toa Rangatira anō hoki. Nō reira, e tika ana kia mihia te hunga i manaaki, i tiaki i a mātou TKKM o Ngā Mokopuna.



Inā te hīkaka, inā te pārekareka, inā hoki te maha o ngā mahi, o ngā ngohe i mahia e mātou i te roanga atu o tō mātou noho ki El Rancho.



Ko ngā ngohe o te Rāhina: i eke wīra wai ki runga i te awa o Waikanae, i pū kōpere ki te wāhi puhinga, i hautū hoki i ētahi waka tere kahurangi me te kōwhai.

Ka mutu, i te Pōhina i pakō mai te auahatanga o ngā kanikani o ngā ākonga. Inā te mīhara tamariki mā!



Kei ngā ringawera o El Rancho mō te whakarite kai! Ko ngā kai, he kai namunamuā. Te reka hoki!

Ko ngā ngohe o te Rātū: i piki pakitara toka teitei rawa, i whakatoetae karo pōro, i pū matā ki rō kōreke ki ētahi puhinga mētara, i wero ki te papatākaro māia, i waihanganga waka hoki mai i ētahi rākau bamboo me ētahi kāho.



I te mutunga iho o te rā i whakatoetae atu ngā ākonga katoa ki a rātou anō i te ngohe kōpere ngohengohe. Kātahi te kēmu tino pai rawa atu! He mahi hīkaka, he mahi whakatoetae, he mahi haumaru (i te nuinga o te wā, ktk). I te tōnga o te rā i tū te pakanga kōpere ngohengohe i waenganui i ngā tauira me ngā kaiako! Ko wai i hua? Ko wai i toa?...Ko wai ka mōhia?



Ko te Rāapa tō mātou rā whakamutunga ki El Rancho. Ko ngā ngohe whakamutunga o te hōpuni: i whakatoetae poi rewa, hahaupōro, poitūkohu, tēnehi hoki, ā, i haea ngā waka kōreti.

Ka tae te wā ki te tuku mihi atu ki te mana whenua o El Rancho. Ka tū mātou ki te waiata, ki te haka, ki te tuku mihi, ki te whakatairanga hoki i tō tātou ahurea Māori. Ka tū te ihiihi, ka tū te wehiwehi! Ka kite El Rancho, kia ora Ngā Mokopuna!



Ka tau haumaru te pahi ki TKKM o Ngā Mokopuna i te 1430 hōra i te ahiahi o te Rāapa, te tuawhā o Whiringa ā-Rangi. Ka tūtaki anō ki te ahikā o te kura, ki ngā ākonga i hoki mai i te kaiaka, ki te mihi atu ki te whānau Taong hoki e nuku atu ana ki Papaioea.

Nō reira e tika ana kia whakamutu ake ki te tuku mihi atu ki a koutou ngā mātua e poi poi ana hoki i ngā rangatira o te āpōpō. Nā rātou i whai wheako hou i tēnei hōpuni, heoi, mō ngā rā e mahuta mai nei i te pae. Ngā mihi nui!

